



LIBER IV.

TESTUDO SICULA.

SIVE,

FESTIVI CAROLO II.

HISPANIARUM REGI,

Cum primùm puer sceptrum
accepisset,

SICILIÆ PLAUSUS.

O D E I.

QUOS ORETEIS geniale sidus
Educat terris meliore flammâ
Crinium soles ? trepidis ubique

Prona Voluptas

Æstuat rivis. rediviva blandos

Faufitas ludos parat ; & recenti

Nectaris lapsu , niveis propinat

Gaudia curis.

Surge , nam quæ te cohibet latentem

Decolor muto Libitina saxo ?

Surge , cui præbet philomela , Vates

Sicane , laurum.

K 5

Jam

226 LYRICORUM

Jam PANORMÆUS ferit astra nuper
 Creditus plectris fragor ; & secundas
 CAROLO nuptas Lilybæa comit
 Gemma secures.

Te CYCLOPEÆ thiasus catervæ.
 Te vocat motis POLYPHEMUS antris,
 Et repercussi in numerum sonorâ in-
 cude labores.

Namque præfago STEROPES metallo
 CAROLI palmis gladij coruscum
 Fulmen , & cano catapraeta cudit
 Æra Gradivo.

Plumæ conum galea PYRACMON
 Curvat argento ; clypeique tegmen ,
 Et laboratas adamante firmat
 Mulciber hastas.

Ut tonat plausis modulata clivis
 ÆTNA , non audis ? ut amica fulsit
 Non vides flammam , nivibus paventem
 Solvere foedus ?

Hinc SYMETHEI saliere fluctus ;
 Hinc reclinata canit ACIS urna , &
 Baticis centum GALATHEA Libat
 Oscula sceptris.

Visa festivos iterasse ponto
 SCYLLA latratus , teneroque lusu
 Visa ZANCLÆIS , nova monstra devo-
 visse theatris.

Quin coronatus radiis PELORO
 Risit ORION , famulâque duxit

Falce

Falce Saturnus potiora priscis
Omina fatis.

Proh quot acclines CAROLO SELINUS
Educat palmas : quot ERYX profundo
Eruit ponto teneras rubenti

Caudice gemmas !

AGRIGENTINOS viden ut GELOI
Provocent fastus ? Ut amica ruris
Per LEONTINAS equitare poscat
Gratia fruges ?

CAROLUM , nuper CAROLUM jocosum
Reddidit , saxo resonâque lymphâ
Fons HALESINUS , docilis canoro ef-
fervere plectro.

Spiceas illi Cerealis ulnas
ENNA protendit , CYANEQUE fulvo
Stagnat electro , liquidoque CHRYSAS
Fluctuat auro.

Veris afflatu , Zephyrique plumis
Tacta , ter pigram fugat HYBLA brumam.
Terque crispatur tremulo PACHINI
Spuma cachinno.

Ludor ? An Vatis comes ad propinquam
Deferor Cyrrham ? Procul ite muto
Desides curæ senio. Sicana

Phocidos hospes ,

CAROLI molles modulatus annos
CAROLI invictas modulabor hastas ,
Sit fides plectris : erit hic IBERI

NOMINIS ATLAS.

BASILISCUS SPECULO
INTEREMPTUS.

Sive,

Labes ab auctore Adamo originem
ducens, illibato REGINÆ VIR-
GINIS SPECULO percussa,
disjectaque.

AD EANDEM DIVAM
LYRICORUM EPINICIUM.

O D E II.

Qualis Libyssæ fulmineus fragor,
Terrorque Sylvæ, prodigialium
Princeps cerastarum, è cruentis
Luminibus BASILISCUS afflat
Immane virus; non sine sibilo
Urente cautes, & nemorum comas,
Pœnosque rugitus, & Afris
Finitimas populante palmas;
Repente præceps ille tamen ruit,
Ut sævientes in speculi finum
Deflexit obtutus, suisque op-
pressus hydris violenter haussit
Torvis venenum missile palpebris:
Talis trifulco fulmine luminum

Trans-

Transfusa prisorum parentum in
 Progeniem, sobolemque labes
 Dejecit omnes. Vulnere sensimus,
 Cum dira vexit fata puerperis,
 Venâque luctus vagientum
 Polluerat libitina cunas.
 At, ut PARENTIS VIRGINEÆ nives,
 Et innocentem vidit adorem
 Florere CRYSTALLO, profundura
 Ingemuit labefacta telo
 Intaminati fulguris. Aureum
 Tum visa primum sidera cardinem
 Liquisse, & infantis corusco
 Molle caput religasse ferto.
 Ter sepsit igneâ cyclade luminum
 Titan Puellam. quin maculas soror
 Cum nollet argento, nivales
 Ponè pedes, teretesque furas
 Curvo pependit sideris osculo:
 Jussique passim curere candidâ
 Menses quadrigâ, mox futuris
 Opprobrium pepulere fastis.
 Haud falsa nobis Isaciî cantunt
 Oracla vates: hanc fore, quæ vehat
 Aurora digressum serenâ
 Cælituum statione solem:
 Quæque incubantem Numinis infulæ
 Florem caducâ fronde coërceat,
 Trudatque Iesseâ comantem
 Areolâ sine labe Gemmam.

Et nos, quod ipsi vidimus integris
 Testamur aris: Parva adamantinas
 Regina præter gressa Divûm
 Excubias tremefecit Hydram,
 Ut imminente calce ter, & quater
 Pressit vetustæ terga ferociæ;
 Quæ visa colligisse fractas
 VIRGINEO pede victa spiras.

CYCLOPS EXCÆCATUS.

Sive,

Magnæ potentæ prudentia duce
 destitutæ fatalis everfio.

O D E III.

Inconsultus acinaces
 Frustra Cæsaream tangit jaspidem;
 Ni summo vigil excubet
 In scepto radius. Fidere viribus
 Tantùm bellua calluit,
 Quæ cæco didicit Marte ferociam.
 Plures Curia Nestores
 Poscit, quàm Stenelos. Mole ruit suâ,
 Flacco credite Principes,
 Espers consilii quilibet impetus.
 Quonam tuta volat freto
 Frondentis Libani filia, turgidis

Quæ

Quæ det flamina linteis,
 Si clavo viduos ducat Jasonas?
 Ne cete in scopulos ruant,
 Nantes usque præit musculus infulas.
 Magnis rebus opus duce,
 Et mentis speculâ : terrificus furor
 Prævisus feriet minus.
 Evitata procul fata remugiunt.
 Sors compacta rudi vitro
 Summæ subjiat fulcra potentiæ,
 Vis prudens adamantinam
 Coget ferre basim. Non validissimas
 Cœlo supposuit manus
 Atlas, sed gravidum consiliis caput.
 Ut tonsâ cerebrum comâ
 Samson deposuit; turbineam statim,
 Captus lumine fiderum,
 Servili terigit calvitio molam.
 Fleverunt tumidi fugam
 Xerxis Thermopylæ, quòd fatuus Thetis
 Hellepontiacam trabe
 Texit, ceu nebulâ. Martis aheneus
 Audax Cyrus in aleam
 Amisit Cidarim sanguineam, prope
 Invidum Tanais gelu.
 Gradivi phaleras sola regit Themis.
 Haud lævis clypei nitor,
 Aut pictus galeæ luxus agit scythas,
 Sed frons docta periculis
 Festinare manum. Spicula bellicas

In lauros abeunt , suâ
 Si promat pharetrâ culta sagacitas.
 Hæc nemo jaculabitur ,
 Qui CYCLOPS fuerit lumine faucius.

METHODII
 ANACHORETÆ
 TABULA.

Sive,

Spectacula extremi Judicij,
 Quibus olim BOGORIM, Bulgariæ
 Regem, salubri metu per-
 cussum tradunt.

Ex Cedreno.

O D E IV.

CLiens Dianæ, Bulgarus Hercules;
 Festinus arcu vel Calydonios
 Terrere rictus, & minacem
 Fulmineis Erymanthon apris,
 Olim poposcit monstra, quibus suos
 Expleret ignes. sed bene palluit
 Pruritus audax, mollè fractus
 In leporem, timidamque damam;
 Ut penicillo Parrhasius sacro
 Formidolosam Numinis extudit

Ve-

Venationem. Nil Tabella hac
 Horridius ; sed amicus horror
 Afflat salubri Gorgone palpebras.
 Spectator omnis faxeus hinc , velit
 Nolirve , fiet sed liquefcet
 Flebilibus lapis iste rivis.
 Orbis supremam picta tragœdiam
 Theatra pandunt , summus apex flagrat,
 Tonatque discillus trifulca
 Diluvie ferientis Ætne.
 Illic profundâ in nube faum Deus
 Fixit tribunal. Mirius æstuat
 Euripus , aut insanit histrix
 Missilibus cataphracta spinis ;
 Quam fervet irâ Numen , & ignei
 Timenda torquet tela supercili,
 Expavit Orion , & Arctos
 Delituit tremefacta ponto.
 Plaustrum Bootes fregit . Aquarius
 Celavit urnam , retro Phlegon tulit.
 Xanthusque solem : quasi æther
 Attonitis trepidavit astris.
 Severa tantum protulit integras
 Altræa lances ; quas tumidum nefas
 Perhorret , Alpinâque majus
 Mole timet tetigisse Ditem.
 Succussa tellus Nerea sauciis
 Admittit ulnis , summa supernatant
 Pangæa phocæ , teritæque
 Circumagunt maria alta lynces.

Occurrit Atlas Alpibus : Ismaron
 Obnubit Hebrus : quin prope fumeam ex-
 cussus Chimæram decolorat
 Aurifluos Arimaspus amnes.
 Verùm Vesevi peste flagrantior
 Procella passim flammea volvitur
 Prætoris è vultu. Comantis
 Jam Libani nemus omne tactis
 Fumat cedretis. torrida frondeis
 Dodona lucis sternitur, & rubrâ
 Crystalla tabescunt favillâ,
 Inachiis glaciata spumis.
 Ubique clades ; nec satiabilis
 Ubique gliscit Mulciber. Ilium
 Heu funus æquatura sedit
 In cineres labefacta tellus.
 Juxta Tonantem plumetis armiger
 Frangit severo nubila classico.
 It clangor, auritisque passim
 E tumulis rediviva cœlo
 Jubet revelli funera. Cerneres
 Hinc, & relictis inde rogis vagas
 Repente festinare larvas
 Ad sonitus lituorum acutos.
 Non sic, nivofus cùm Boreas furit,
 Pellitque nidis æquora transvolant
 Mœstæ volucres : aut Ibero
 Tela micant ululata nervo.
 Hædile tetrum pars numerosior
 Distracta castis velleribus migrat

Censoris ad nutum : reclusis

Cuique patent sua probra fibris.

Exuberantes hinc lacrymas reis
Pictura vivax exprimit , & Stygis

Immane guttur : penè fervet

In tabulâ Phlegetontis ardor.

Invita centum tortilibus cohors

Raptatur hydris : nec rigidum deest

Lictoris à tergo flagellum.

Quò citius tamen Orcus imama

Sedet Charybdin , vi repetit suâ

Trahitque fontes pestis anhelitu.

Sic visa sortitur sepulchrum

Vipereo philomela morfu.

Plutonis alvum nocte coërcuit

Sagax Apelles : sed rutilo patet

Sentina subluccens camino ,

Quæ gelido feriat propinquas

Horrore luces. Hic Tityis jecur

Harpya vellit. Mænala Sisyphis

Premunt lacertos ; ulceratque

Pirithoos gravis ære nodus.

Hic mugientes bos Siculus suos

Urit tyrannos : flammeus hinc rotas

Rugitus unguës , & cruentas

In miseris gerit ursa fauces.

Quidquid vetustæ fama ferociæ

Tulit theatris , Tartareâ pius

Zeuxis coloravit favillâ ;

Hisque malis graviora , pictis

Induxit umbris. namque nocentium
Pars sulphureatis innatat amnibus.

Picemque potat : pars rotarum
Vulnifico laniatur unco.

Pars malleorum vapulat ictibus :

Pars cuspidato decoquitur veru,

Jam jam saginata formi-
dabilium Lapitharum hiatus.

Perennis ævi fata sequacibus

Inculsa pœnis, cum nequeant brevi

Gyro coarctari, retorto

Fabra manus patefecit angui;

Cui spira flexum curvat; & obviam

Morsura caudam lingua ferox suum

Per claustra savientis Orci

Perpetuum vomit ore virus.

Hæc ut profundo vulnere territus

Aspexit olim Rex BOGORIS, comâ

Excussit aurum; sicque mutâ

Mugiit exanimatus aulâ.

Heu! quæ dolorum vena recens meos

Inundat haustus? obruor, obruor

Metuque luctuque, & ruentis

Excidio interituque mundi.

Ergo profanas post senii nives

Ardebit ingens, ipsa sibi suam

Futura fumosum cadaver,

Et feretrum sociale tellus?

Cur astra pallent, & mutilo latet

Tonone Phœbus? cur trifidis hiant

Nubes Vesevis ? cur fatiscunt
 Vulla suis elementa claustris?
 Agnosco luctus pabula : siderum
 Ab arce Numen fulminat. heu ! levem
 Tanti furoris vel favillam

Quis trepidâ sine fronte tangat ?
 Me flagitatis Acroceraunia
 Condant ruinis. Me fragor Adriæ
 Demergat , occultentque vastis
 Visceribus scopulosa cere.

Quacunque fatum merce mihi petam,
 Ne me Tonantis lumina terreant.

Feris cruentatus , vel arctis
 Implicitus latus omne squamis,
 Peribo certè gratius. At negat
 Dodona torvas trudere belluas.

Vel ipsa sævit , quod citatis
 Diffugiat Libitina plumis.
 Cur ille , qui me nunc lituus mori
 Compellit , idem funereâ situm
 Vocabit urnâ ; parce seros

In cineres agitare tristem,
 O Dive , tedam. siqua tibi micat
 Scintilla risus , annue. ludimur ?

Nulla soporandas querelâ
 Ille suas mihi clausit aures.

O spes recisis arida frondibus!

O scena fletus ! O Erebi dies

Recusa fabris ? ô dolorum

Bruma ferax , Stygiæque pallens

Aurora noctis ! sustineam miser
 Tam luctuosi funeris exitum,
 Christique fulmen, quem Tabellâ
 Sic cruciat male pictus horror?

TRIDENS MAMERTINUS

in Xiphiam.

O D E V.

Glauci satelles armiger, Orion freti,
 Rhinoceros Thetidis,
 Scillæque latratus cliens;
 Inauspicatus spumei terror gregis,
 Dum geris inter aquas
 Ensem Cometa squameum,
 Cave Charybdin, & Pharon Trinacriam
 Quæ tibi tela rotet:
 Huic pingue debes ferculum.
 Frustra profundi gurgitis specus amas,
 Mox, veluti gladio
 Munitus, in summo natas;
 Mollesque lusus hinc, & inde dividis,
 Assimulante tuis
 Plausum choreis Æolo.
 Nam defluus saturniâ chalybs manu
 Inque tridentigeram
 Cessisse visus fuscinam
 Fatalè squamvis fulminat. Zancle licet
 Conditor Oarion
 Mucronis hæredes velit.

LANISTA
THEO-POLITICUS

Christianæ Gladiaturæ leges
promulgaturus.

AD JUSTINUM GELAM.

O D E VI.

Hic, seu bella velis, seu renuas, GELA,
Pugnandum est. procul hinc exulat otium,
Et secura quies. Plurimus, ac frequens
Hostis, quem metuas, ipse tibi es. Negas
Tecum posse ferox ducere prælium?
Nunquam victor eris. non alio viret
Laurus cæsa solo. Viceris omnia
Vaticanus eques, Romula si Fides
Ensem præbuerit: cui latus, & diu
Gradivi cupidam subjicias manum.
Hoc temet fodias tutus, ubi tumet
Arcanæ tigridis felle ferax jecur.
Quod si læsus honos vindice flagitat
Sanari gladio; turpè volantibus
Larvas fige probris. has male lineas
Nunc punctum ferias, nunc celer in minas
Cæsim fulmineâ cuspide polluas.
Retrorsum refugo sæpe juvat gradu
Vim librare prius: mox ter, & amplius

Mos

Moliri chalybem, diffilientibus
 Hinc, atque hinc radiis. Si querimonias
 Sic, JUSTINE tuas fregeris? osculum
 Libabis Gladio, qui Patientiæ
 Victricis didicit tangere baltheum.

ORGANUM
 HYDRAULICON.

Sive,

D. MARIA MAGDALENA;
 de qua hæc habet D. Petr. Chry-
 solog. ser. 93. ORGANI plan-
 ctus dat clamorem.

O D E VII.

NAM quis fatiget vivida gratius
 Flerus canori Nablia, quàm fabri
 Pollex Tonantis? huc reclinis
 Ponè pedes, humilesque CHRISTI
 Accede suras MAGDALA, roscidam
 Datura tristi lumine naniam.
 Suave plorabis, pudico
 Si digito patiæ tangi.
 At non perennem sordida lacrymis
 Canes querelam. Tactus ab osculis
 Pes ille lætum destinabit
 Flebilibus modulamen undis.

SPHINX

SPHINX RUSTICA.

Sive,

Pastorum Ænigmata,
Mutua altercatione in certamen
adducta.

Eclogarij

TITYRUS, MOPSUS, NYCTILUS.

Carmen Lyrico-bucolicum.

Ad D. D. JOANN. CRESCIMANNUM,
Equitem Siculum.

O D E VIII.

Sylvas Phœbus amat : me quoque villicum
Urbanas pigeat visere porticus.

Sæpe est umbra myricæ

Picto fornice gratior.

Cur testudinei carmen anhelitus

Haud vincat gracilis gratia fistulæ ;

CRESCIMANNE , cicadis

Cur nos præferimus cynos ?

Est & sylvicolis vis sapientiæ

Non ingrata. Suis tincta leporibus.

Quamvis rustica , Pallas

Magnis exulat atriiis.

Audi quam cecinit TITYRUS eclogam,

Adversamque ferens MOPSUS arundinem

L

Quâ

Quà sylvestre theatrum,

Priki DAPHNIDIS exedram
Sepfit laurigerò scena choragio.

Hinc se fons patrij dividit HIRMINI,

Qui SICLENSIBUS arvis
Nudavit vitreum pedem.

Tam nosces Siculis quanta mapalibus
Sit non illepida vena scientiæ:

Quæve infusa bubulcis
Siren garrula ferveat.

Post antiqua rudis semina jurgij,

Hi fortasse pates ludere, rulticam

Pastores in arenam

Descendère, reconditis

Arguti salibus. Judice NYCTILO,

Nemo non meruit frondis adoream.

Ergo mutua sic se

In certamina provocant;

Ut credas geminâ cuspide cornuum

Luctari Satyros, quos Acheloia

Spectat, non sine risu,

Cultrix Nympha malaciæ.

Ti. Cur non labra domas? Pan Lilybæus

Ægon, MOPSE, tuis cedat ineptiis;

Cui dat bubo loquelam,

Fuscat noctua palpebras?

Mo. Quò mens, & cerebrum? vincet Elorium

Damœtam calamo dispare TITYRUS;

Cui tornavit Apollo

Duro e stipite verticem?

Ti. Nil verbis opus est. pugna probat viros.
 Huc descende senex NYCTILE; prælij
 Sis spectator, & hosti
 Barbæ vellus adurito.

Mo. Conflictum metuam? *Nyctile, Tityrum*
 Cogam succiduum sternere poplitem.
 Tum clamabimus, hirco
 Factus cornua demiro.

Ny. Pacatis pueri ludite viribus.
 Odit bella Pales. gaudet Etesius,
 Quod pugnacibus Euris
 Discerpi metuit, nemus.

Ti. Te certem vacuus: do tibi faginum,
 Quod scalpfit Celadon Dalmata, poculum,
 Si me viceris: at tu
 Quonam pignore luseris?

Mo. Segnes rumpe moras: incipe: Delphicam
 Si laurum rapias; hæc tua sit rubro
 Cervi e tergo pera,
 Fulvis aspera fibulis.

Ti. Dic, quænam Phariis bellua rupibus,
 Et sis Niliaco major Osiride,
 Potet dulcè reclusis
 Longum Morphea lucibus.

Mo. Dic, quænam Libycis bellua vallibus,
 Sisque Atlantiacâ fronte superior,
 Lymphis lotâ salutat
 Flexo poplite Deliam?

Ti. Quæ sit gemma, rogo, (nuper ad Himeram
 Vidit fuscus Hilas) quæ sibi glutinet,

Dum tangat modo , culmos
Imæ cuspidis osculo ?

Mo. Quis sit quæro lapis , (nescio quis palam
Prompsit nauta foro) qui sibi nuptias
Ferri poscat , & arcto
Secum copulet anulo ?

Ti. Addam bina meo sarcula cymbio :
Hæc te quippe latet fabula : quis puer
Vectus forte curuli
Delphino secuit Thetin ?

Mo. Cum perâ Samiam ponimus hydriam :
Dic (non hæc temere ficta) quis arduum
Vir trajecerit usus
Plumæ remigio Jovem ?

Ti. Non id vel senior novit Alexius ,
Quod vidi hisce oculis attonitus puer ;
Quo sub germine vernam
Chloris circinat iridem ?

Mo. Hoc Delo genitum præter Apollinem
Scit nemo : Lycidam tellor , & Ornithum ?
Quo sub flore virescunt
Pictis sidera crinibus ?

Ti. Novi quæ patrio planta nocet solo ;
Sed transmissa vetat toxica fœtibus.
Hanc ostende ; Sicanus
Dicêris Podalirius.

Mo. Est arbor modicis frondibus efficax
Enervare truces ; si tegat , aspides.
Hanc si dixeris , anguem
Te credent Epidaurium.

Ti.

Ti. Dic ; quænam senio deficiens avis,
 Quidquid spirat Arabs , corticibus legit,
 Susceptura crematis
 Vitæ semina cinnamis ?

Mo. Dic , Pelusiacâ quæ volucris plagâ
 Rostro pectus arat ? sic animat suos
 Fuso sanguine pullos
 Casâ matre superstites.

Ti. Penè objecta refers ! dic age , montium
 Cui sit calva cutis summa ; sed intimis
 Venâ divite flavum
 Pignus claudat in iliis ?

Mo. Non excussa statim tela retorqueam !
 Sic pugnare libet. Dic , ubi inhospitas
 Mons attollit arenas
 Atris imbribus , & Noto ?

Ti. Triton alter eris , si mihi delegas
 Quod Thelgon docuit navita : Quo ducis
 Cete immania vitent
 Syrtes , & vada fluctibus ?

Mo. Phorco major eris , teste Palæmone,
 Sub quo rem didici. Dic igitur palære.
 Quænam parva volantes
 Sistat squama liburnicas ?

Ti. Num vicisse putas ? falleris altius
 Librabo jaculum. Dic , ubinam palus
 Terrum spiret odorem,
 Qui fert alitibus necem ?

Mo. Me terrere nequis. nubila dividam,
 Pugnax inde ruam. Dic , ubinam lateret
 Quod

Quod carchesia stagnum

Quamvis ferrea perforet ?

Ti. Hunc vertas lapidem ; sisque Lino satus.

Quænam Gnosfiacas arbor amat plagas,

Imis gratior Umbris,

Morsu intacta teredinum ?

Mo. Hanc scindas nebulam, sisque Jovis nepos;

Quænam planta comam nutrit in Algido

Musis grata, trifulcis

Uti nescia spiculis ?

Ti. Novi, quæ jugulet bellua filios,

Dum stringit fatuis pignora brachiis.

Hanc si dixeris, albis

Frontem cinge rosariis.

Mo. Novi, quæ catulos turpè rudes fera

Lambat; donec avo sint similes suo.

Hanc si vaticineris

Crinem nubibus inferas.

Ti. Dic, cur lac ovium si tigris ebibat,

Amittat patriæ jura ferociæ ?

Curve objecta furentem

Reddat rubra chlamys bovem ?

Mo. Dic, cur si eoluber spectet ædonem,

Sensim vipereo pertrahat halitu ?

Pallefcantve leones

Si gallus vigil obstrepat ?

Ti. Num sit, scire velim, fervidioribus

In terris regio; quæ pluviis inops,

Nunquam figere Cælo

Cogat lumina villicos ?

Mo. Num sit forte procul, TITYRE, quærimus,

In terris pelagus, quod rigeat gelu

Sic, ut navita stellas

Curfus non habeat duces?

Ti. Ni torpes oculis; dic age, dic, mea

Cui sit forma feræ concolor? hinc potes

Explorare vicissim

Quæ sit moribus indoles?

Mo. Si quid mentis habes; dic mihi, quot dies

Hæc signet mediæ linea dexteræ?

Aut quæ fata supersint,

Quonam tramite detegat?

Ny-Sat certastis adhuc, & lepido quidem

Hil. Congressu, pueri; parcite jurgis.

Lauru dignus uterque

Phæbo proximus affider.

Surgamus. Senio fractus enim dies

Festinat tumulo condier & fatis

Vestro in fonte leporum

Oti tædia merisimus.



SAMSON TRUSATILEM
PISTRINI MOLAM VERSANS.

Sive,

Pravi CUPIDINIS VERTIGO.

AD FLORUM TOLETANUM.

O D E IX.

UTroque captum fidere credidit
Tunc, *Flore*, cæcus *Samso Cupidinem*,
Cum flere vellet; sed revulsis
Luminibus sua damna nunquam
Lugere posset. nec veritas modo
Sensit, doloris pharmaca, lacrymas:
Coactus in gyrum lacertis
Turbinem pepulisse caute,
Amisit omnem forte volubili
Mentem cerebro. Fervida Cyprij
VERTIGO remonis laborat
Dedecorum tetigisse metam.
Ubique, sic est, circumagit suas
Mens cæca Diras. sospitis ingenti
Quiescit in centro, profanis
Qui metuit rubuisse flagris.

IN-

INURBANÆ
RUSTICITATIS
AMULETA.

Sive,

De Theo-politico morum cultu
Monita.

AD PAULUM DOMITILLUM.

O D E X.

HUC verecundæ, docilisque venæ
Dives accedas, cui nulla fallax
Gutta nativam viciavit atro

Rore papyrum,

PAULE, quæ præcis patuere quondam
Civibus postes, docuitque pulchros
Patriæ ritus, seriemque morum Ur-
bana Venustas.

Illæ, ne cultus nitor, aut deesset
Norma censuræ variis Quiritum
Rebus, hæc cæsis adamante fixit
Jura tabellis.

Prima lex Divum juberet & Tonantis
Exequi nutus, malè nutat astris
Dissidens cervix, superosque mordax
Roderet frænos.

L 5

Ante

Ante votivas adolefcant aras
 Pertinax Æqui, Fideique robur;
 Quæque formidat Pietas profanæ
 Fata pruina.

Phosphorus fulvas ubi vexit horas,
 Rite surgendum. Sybarita solem
 Turpè nec vidit puerum, nec albâ
 Fronte caducum.

Inter aptandas teneris decentes
 Artibus vestes, famulæ pudori
 Særviant luces. vigil ille claudat
 Consul ocellos.

Haud diu pugnax ebur innocentem
 Torqueat crinem: fatis ille pexus
 Inverecundum quatiet soluto
 Terga flagello.

Ante quàm lotus gelida nivales
 Merferis malas, memor esto fletu
 Supplicis palmæ penitus latentem
 Tergere labem.

Comptus, ut remet deceat, paternis
 Exeas tectis, humeros tegente
 Pallio, lævam nec amet galerus
 Urere frontem.

Templa visurus finito decorum
 Pulverem lambat geminus reclini
 Poples atritu. sibi pascit hæc li-
 bamina Numen.

Inde, dum castas humili querelas
 Sibilo pascis, cave ne petulci

Diffuauit nutus, fatuoque peccent
Lumina saltu.

Mollè submissum caput aut sepulcro
Figat, aut aris bene feriatum
Flectat obtutum. renuunt procacem
Sidera cultum.

Fessus orando fileas. profanat
Sacra garritus, vel inambulantis
Error incessus, & adultus imo è
Splene cachinnus.

Rore lustrali madidam sacello
Exeras frontem, facilemque flecti
Verticem: profunt iterata pictis
Oscula valvis.

Mox, ad occursum equitum, venustos
Alloquì ritus, hilaremque vultum
Effer. Urbano malè rusticatur
Ruga sereno.

Indolem canam Pudor, innocentem
Detegat Recti tenor, eruditam
Parca dicendi fitis, & modestæ ar-
gutia linguæ.

Obvio cedas senio puellus:
Flava lanugo venerata canos
Mitius vernat, Pyliosque poscit
Nestoris annos.

Cur tibi Graium bene docta $\chi\alpha\iota\rho\theta$
Pica dispensat? nisi des, & ultro
Blandus acceptam referas equestri
Lege salutem?

Libret examen, statuatque quid jus
 Eloquū poscat. violat larratus
 Naniæ lætos, hilarisve tristes
 Vena sodales.

Somniis fauces, jugulumque tetrīs
 Rebus elidas, simulare balbum
 Dedecet Battum; fatuove missum
 Stentore murmur.

Neminem ludo, salibusque lædas.
 Jurgiis cautam retrahas phaselum
 Fida confestim redit ad silentes
 Anchora pilas.

Stirpis oblitus videare, ne te
 Turbidum jactes opulentioris
 Filiam sylvæ, cui ridet auro
 Prora, liburnarum.

Zoilos odi. nimius dolabrâ
 Sermo lavandus. tenerus cruentat
 Asper attritus satyræ decoro in
 Caudice laudes

Et suas fas est Paphiis recudi
 Compedes Musis: quoties petulcuna
 Succinet carmen, vomer execratam
 Lingua mephitim.

Sis tui vindex, ubicunque vocem
 Fuderis, censor: tua ne vel unguem
 Trans vercundi monitus Honesti
 Diffluat ætas.

Sera solvendum monet hora cœtum:
 Tunc columbinum VALE sint amici

Signa

Signa discessus, simul & futuri
 Fibula nexus,
 Ante quàm parcâ dape colligendas
 Fulseris vires, superos regenti
 Dexteræ nunquam peritura gratus
 Oscula figas.

Illa gemmatas locupletiorum
 Novit, & parvas hilarare mensas
 Sic inasluetis volitare præbet
 Prandia nidis.

Inter explendam patinis orexinæ
 Inferas Cœlo generosiorum
 Mentis obtutum, videaris ut con-
 viva Tonantis.

Ergo seruetur modus. Abstineto
 Aut tumescens onerare malas,
 Aut rudes imâ stomachi lacunâ e-
 ducere ructus.

Respuas tostis properare mitem
 Oris afflatu dapibus teporem:
 Aut inhaerentem digitis suillam
 Lambere pernam.

Nil vitî stratum toral, & nivales
 Ebibant mappæ. sterilem comarum
 Falle pruritus. pluit usque tacto
 Vertice fursur.

Lesbius Nymphas amet, & liquenti
 Flagret argento. sitis ipsa cautum
 Hauriat nectar: madidæ profanant
 Pocula nares.

Sit satis cuiquam geniale parvis
 Sumptibus robur reparasse, prodest
 Mensa frugalis, modicoque crater
 Tinctus Iaccho.

Perfoluturus famulatè pronas
 Numini grates, memoresque ritus
 Surge, protractas vigilata damnat
 Luna lucernas.

Cùm suum Morphæus quatiat papaver;
 Det tibi fesso solymæa gratum
 Myrrha cervical, paleisque dives
 Stramina Bethlem.

Hic soporatis sine fraude curis
 Otium duces, quod amica divûm
 Si tegat pubes; similes amabunt
 Sidera somnos.

Quisquis hæc cultus patiens tuctur
 Jura, civilem sibi sortiatur
 Tesseram, nostrumque terat recluso
 Cardine limen.

In subagrestes Nemesis flagellum
 Torquet, & longè fugat hinc catervas:
 Rusticæ nequid maculæ togatas
 Polluat urbes.

):(o):(

LOEMOCOMIUM ETHICON

Agrestium morum contagione pol-
lutis civibus referatum

Ad eund. PAULUM DOMITILLUM.

O D E XI.

Nil satis cautum, DOMITILLE; clausis
Urbium valvis, solidoque legum
Ære munitis patuere laxo

Cardine fœdis

Moribus rimæ. maculosa tabes
Clanculum repit, niveosque ritus
Afflat. Agrestes adhibenda vis est
Major in hydras.

O suburbano quis ab amne Vates
Thraciâ attollat scopulum querelâ,
Rullicis qui sit vitiiis alieni

Carceris horror!

Nulla Dirçæum generosa buxus
Urget hæredem? properate curtum
Phocidos, Nymphæ. Videor propinqui ad
Fluminis æstum

Nitier, Phœbo gravis. Obsequentes
Ut lyæ passim famulantur undæ!
Ut recollecti medio dehiscunt

Gurgite fontes!

Fallor ? an sensim scopulosa cautes
 Ad preces plectri per aquosa promit
 Stagna suffultam triplicis metalli
 Aggere turrim ?

Surge Thebanis modulata nervis
 Arx sub obscuros domitura posthac
 Civium cultus. Tonuit decorâ
 Saucius irâ

Consul Urbanæ GALATEUS Aulæ;
 Qui profanatos tremefecit acri
 Clasico cœtus nitidisque iussit
 Cedere rectis.

Jamque turmatim tua claustra pulsura
 Vulgus irrumpit, glomeratque putrem
 Halitum, qui jam feriat nigranti
 Labe Pudorem.

Ut solum saltu fodit ! ut relaxat
 Nunc giganteo, modo crura parvo
 Arctat incessu, pedibusque flexis
 Verrit arenam !

Ut volaturos furialè quassat
 Verticis crines, agitaturque passim
 Penfiles, nullo cohibente legum
 Vimine, palmas !

Hic retroversum cubito sodalem
 Arietat; curvo nocet alter ungui:
 Alter hirsutis senibus nivosum
 Gausape palpat.

Ferculis pinguem sibi pulsat alvum
 Ille, mox dorso comitum reclinat

Turpe

Turpe cervicem, fatuosque gaudet
Fingere ronchos.

Pars statim cœptum socii protervâ

Voce sermonem secat, infacetos

Pars amat ludos, & adulta fictis

Jurgia nugis.

Proh quot examen rude rusticanis

Sordibus marcet! stabulasc credas

Arcadum caulis, scythicâve descen-
diffe catastâ.

Ite lymphatum pecus, ite. Qui vos

Urbe dignetur, dapibusve; cum jam

Sponte Phineas sibi vestra poscat

Cœna volucres?

Heu verecundas juvat helluantis

Instar Hylæi jugulare mensas,

Et Palatinis Lapiſthea probra in-

ferre lucernis?

Num quis hîc vestrum fugit aucupari

Proximo pultes socio? vel unctum

Pollicem labris, vacuasque furtim

Lambere lances?

Neminem (testor rabiem palati)

Osteas morſu lacerare costas,

Aut pudet rosas jaculare, vasto è

Guttore baccas.

Hic cavo pingues digitos salino

Mergit, impexum caput ille cultro

Scalpit, aut ungui sibi prurientes

Vellicat aures,

Ferream nondum subiistis arcem,
 Civium tabes, & hiulca morum
 Monstra, conceptum vomitura tetro af-
 flamine virus?

Ite, sublimem scuticam propinquo
 Extulit templo Pietas: cachinnos.

Illa, nec, laxis patitur lupatis
 Fervere lusus.

Odit ingratum, miniméque flexum
 Poplitem Divis, stolidosque fastus,

Et cerebroso puerilè fixum in
 Crine galerum.

Quin Dioneum juvenilis ævi
 Vulnus, & stultas inhibere lucas

Ausa, civilem domuit favillâ
 Vindice Lernam.

Cur inoffensum tremuere motis
 Fana delubris, saliantque cælo
 Urbium postes, & ad has triumphat
 Curia Musas?

Omen agnosco niveum. Profanis
 Civibus carcer referavit alvum,
 Terque turritam cohibente clausit
 Vortice rupem.

* * *

LIBI-

LIBITINÆ TORUS

Ad coërcendam sepulcrorum su-
perbiam humi constratus.

AD PYRRHUM ALBANUM.

O D E XII.

FAs est, PYRRHE, Carystio
Divûm fana tegi frigore, queis tholum
Illudat Phrygius silex,

Et pilas Parij damna supercilî
Gutturâ nive fulciant.

Cur nunc Oebaliis cæsus honos jugis
Affectat tumulis putrem

Enutrire sua laude superbiam?
Num tanti cineres, velint

Ut Pelusiâcis otia molibus;
Et grandescere sumptibus,

Quos fixit locuples Cariâ nubibus?
Num Lethen cohibet Myron?

Num sopit tenebras Manibus artifex
Prisci dextera Phidiæ,

Aut Nilus veterum cultor imaginum?
Pallenti fatius brevem

Sortita est tumulum vipera succino;
Quàm pellex Phariæ domus:

Quæ postquam geminis ebibit anguibus
Victæ

Victæ fata ferociæ,
 Regali jacuit pyramidum sinu.
 Nequicquam sibi consulit
 Fastus post obitum; si vacuo statim
 Nox invisâ cubat rogo;
 Nec parcit tenuem rodere fabulam
 Emptæ nœnia præficæ.
 Pugnax interea funus in aridum
 Molitur caries situm,
 Quem non Assirij corticis uberes
 Enervent lacrymæ, suis
 Nec frangant Cilicum dona vaporibus.
 Hinc altas Latij pyras
 Irridet volucris, cui reparabilem
 Inter cinamma Delius
 Accendit radiis missilibus necem.
 Odit vel Babylonio
 Suspendi feretro sat sibi splendidum
 Nactus carcere serico
 Bombix interitum; nec fatuum semel
 Exprobrat tumuli decus
 Æquantis Pholoën, seu Rhodopeium
 Mistum sideribus caput.
 Si natura rudi nos genuit luto;
 Cognato liceat solo
 Devotam cineri reddere sarcinam.

* * *

PHI-

PHILOTESIUS CRATER

A PYLADE PROPINATUS.

Sive,

Veterum simultatum oblitio

AD CRISPUM GALEANUM.

O D E XIII.

Infida fraus est, CRISPE, silentii
 Muto prementis carcere nœnias
 Quassare valvas, & reclines
 Sarcophago pereuntis avi
 Urgere rixas. Sæpe recruduit
 Exasperatum, quod neque Pœones.
 Nec ipse leniret Machaon,
 Nec Cilicum panacea, vulnus.
 Frustrare pressò gutture noxium
 Iræ cientis prælia fomitem:
 Ne forte recluso per artus
 Impatiens fluat ore virus;
 Magisque fractis inde repagulis
 Exundet ardor, non reparabilem
 Missurus Ætnam, quæ ministret
 Aptâ suis alimenta damnis.
 Adhuc recentes fiet Lilybe suas
 Everfa clades, sulphureus simul

Pul-

Pulvis laceffitus favillâ
 Turbineos glomeravit æstus.
 Adhuc Pelægis Ucalegon vetus
 Fumat Vesevis. at feret alius
 Ardor querelarum ruinas,
 Ni domitis requiescat hydris.
 Neglecta laxis rima liburnicis
 Cæco carinas merfit in Adriâ,
 Imisque phocarum cavernis
 Composuit Libitina nauras.
 Eheu vetustos penè adamantino
 Doloris ignes scalpimus Isiraro :
 Quos spectet indignante vultu
 Pejor avis, atavisque proles :
 Ultura ferro vindice sospites
 Navos parentum si PHILOTHESIAM
 Cratere gemmato, Sodales,
 Ebibimus sine fæce Lethen ;
 Cur in cruentam præcipientes agit
 Exulceratrix cura tragœdiam ?
 Cur tristis occurrens imago
 Gorgoneos jaculatur angues ?
 Tigres ovino lacte ferociam
 Mollire norunt. vipera Creticos
 Si libet amnes, nulla potat
 Innocuis aconita spiris.
 Nil est decoræ quod viriosius
 Sodalitatis fœdera diluat
 Quàm rite pacatis tetrosum
 Mota iterum Camarina stagnis.

Atrâ tumentem bile proterviam
Frangamus ultro. Non ego civium

Dignabor urnâ, qui Thyesten.

Aut Lapithas imitatus urat

Inexpialis ferculâ prædiis.

Olim sicanis jura Quiritibus

Si forte Damou infulatus

Dalmatico perarasset auro,

Suos Orestes, & Pylades suos

Eryx haberet: nec siculus Cyclops

Fumaret accensus ensi

Fulmineam, GALEANE, bilem.

Sic fœderatis nobilior foret

Tutela testis fida sodalitas;

Quàm turris æquatura Calpen,

Aut solidis Heliconæ clivis.

Non jurgiorum Marte domestico

Fugandus hostis; sed coëuntibus

In bella castris, quæ togatos

Haud gladio secuere nodos.

Non vi, nec armis proruit alites

Jovis ministras sed socialibus

Plerumque rostris, cygnus audax

Unanimes properare plumas.

Martis sicani poscit adorem

Quicumque magni Cæsaris amulus,

Oblitus ulcisci recusat

Compositum refricare vulnus.

TITHONUS IN CICADAM
CONVERSUS.

Sive,

Senex garrulus.

IN PYRRHUM MARSYAM,
ineptissime deblaterantem.

O D E XIV.

ET me Phœbus amat : quippe meis dedit
Deterfis Lycio pollice palpebris
TITHONO similem , cernere MARSYAM
Parvis cruribus alitem.

Sed , ne longa caput nœnia læderet,
Aures Dædaleo vellere muniit,
Præclufitque fores. Jam cruciantibus

Tuta est janua fibilis :

Nec vel rima patet proh niveum diem !
Evafiffe juvat trifte : fabellica
Quod Flacco cecinit saga periculum.

Nufquam fofpes eram mifer :

Quocunque inftabiles intuleram gradus
Hærebat lateri PYRRHUS , ut ulmeis
Inferpit foliis Lesbius , aut cavam

Smilax obfidet efculum.

Tum , Pelufiacus ceu fragor accolas
Infternit pavidos , me tumidus fenex

Ter-

Terrebat stolidæ vocis anhelitu , &
 Spumâ futilis eloqui.
 Incassum , fatuis MARSYA , septies
 Clamabam monitor sedulus , abstine
 Nugarum phaleris : hæccine splendidam
 Barbæ canitiem decent ?

Ediscit tacito plura silentio
 Secum sueta loqui mens. Ubi Spumeos
 Excludit strepitus Albula , vitream
 Rerum pandit imaginem.

Inter Niliacas Isidis affidet
 Aras Sigalion , Gloria , mellei
 Roris more ; fuit : ni tamen Æolus
 Obmutescat , in aridas
 Convertit lacrymas gaudia nectaris.
 Cornicem ipsa suam , quod sibi garrulis
 Diffaret modulis otia , reppulit
 Doctis Pallas ab atriiis.

Nusquam tuta fides vocibus : anseres ,
 Cum Tauri Cilicis terga supervolant ,
 Saxo rostra domant ; ne famulas Jovis
 Clangor fuscitet alites.

Proclivis luteo volvitur alveo ,
 Quamvis munifico rore vehat Tagum ,
 Quæ sicco madidam margine rarius
 Siltit lingua licentiam.

Ergo fige modum turpiter uvido
 Garritus stimulo. perfluit undique
 Rimarum impatiens : cum tua mollibus
 Haud solvatur Etesis ,

M

Quæ

Cave Bacchum famulantem Cythereæ.
 Erycini vice tali, genialem
 Sine mensam moderetur sibi mens da-
 minatrix.
 Quot eadem simul urnâ rigat humor,
 Vel eadem focus explet dape, reddat
 Tot Orestes, & Juli patre dignos tot
 Achates.

P A P H O S
 TERRÆ MOTIBUS EVERSA,
 Eo, quo DIVINA MATER CON-
 CEPTA est, Anno.

Ex Joan. Bapt. Masculo Soc. Jes.

In D. Hieron.

Sive,

Erectum Pudicitiae sub infantis
 Reginae Virginis auspicio
 Capitolium.

AD SODALES PARTHENIOS.

ODE XVI.

Albis Phlegontem Phœbus ephippiis,
 Crinemque laxum compsit, ut effedo
 Vectus triumphali, rediret
 Nazareo redimitus igni,
 Quo mugientem scissa sinum die
 Nutasse tellus creditur, & PAPHON,

M 2

Ad

Ad usque tangendos fatratus
 Cerbereos , tumulavit alvo,
 Sensit profecto Virginis asperam
 Manum puellæ , vi validissimâ ab
 Imo pavimenti profanam
 In cineres quatientis urbem.
 Fragor ruinæ versus in entheum
 Pœana Divæ , rer salientibus
 Sublimè saxis , inque nexus
 Dædaleos adigente lusu,
 Eduxit arcem ; quæ Capitolij
 Furata frontem ; Virgineas iter
 Molliret ad palmas , in altum
 Parthenio subeunte curru.
 Hic hospitales moribus aureis
 Cunas Honestum stravit , & indolem
 Pudor verecundam , SODALES.
 Ingenuo rubefecit ostro.
 Custos modesti cura supercilij ,
 Piæque mentis candor eburneam
 Hic fixit ædem ; quam ligustris ,
 Et roseo tegat imbres simplex
 Cultus pudici gratia. Constitit
 Hic æqua pulchris pollicitis Fides,
 Et fas , & inconcussa frangi
 Vis animi , licet hinc , & illinc
 Diffibulato cardine mugiat
 Lapsurus æther , inque Jovem fremat
 Neptu-

Neptunus , evulsamque tellus
In Thetidem jaculetur Idam.

Ne quis triumpho deficiat dies
Darur teneri culmen ab omnibus ,

Quicumque vicerunt cruento
Cyprigenam , sobolemque bello.

Pars hic pharetram , & tela cupidinis,
Fractosque pulchro pollice Cyprios

Suspendit arcus , quos pudico
Terreat , examinetque flagro.

Pars , ut columbas fudit , & alitem
Fastum profanis vellit oloribus ,

Casto Cythereæ curules
Exuvias adolevit igni.

At non ahenò parta teruncio
Hæc palma dives venit. aureo

Quæsita votorum metallo ,
Sanguineis sterit illa rivis.

Pars fixit imis unguibus assulas,
Spretura mollem Cypridos anuluræ.

Pars , ne coronati rosetis
Deficerent , subiere vepres.

Quot decolores funea clibani
Nox inquinavit , ne teneræ nives

Oris flagrarent ? quotve truncis
Naribus , aurifluâqua raptim

Tonsâ comarum mollitiæ glabram
Gessere calvo vertice simiam ;

Ne sub decoræ frontis umbrâ
 Idalius fruticaret ardor?
 Hic sponte vulsas Lucia cominus
 Vovit pudico vulnere palpebras.
 Hic gemma sicanum relectis
 Visa PAPHON mutilare manimis.
 Ut se catenis fregit, & intimis
 Gonzaga fibris fixit ahenco;
 Calcaris ictus, huc jugalem
 Flexit eques trabeatus axem.
 Sortita Pœnis excubias jubis
 Daria, Pœnas huc pepulit rotas:
 Suique custodes Columba
 Huc hilares agitavit ursas.
 Quis nunc cruoris parcus in arcem
 Ditem trophæis flectere strenuas
 Moretur alas? vel volatu
 Pegaseo est superanda rupes.
 Vocemus Austros. Æolias trahunt
 Ad frena pennas vota fidelibus
 Educta scintillis, SODALES,
 Nec gelido ferienda morfu.
 Totus pudicis fervet adhuc apex
 Divum triumphis, cespite gemmeo
 Ubique detrudente laurus,
 Et rutilas sine labe palmas.
 Parvæ premamus lactea Virgini
 Jam porrigenti cominus ubera:
 Extinguet hoc nectar profundis
 Siqua repet Cytherea venis.

APELLIS PALÆSTINI
PENICILLUS.

Sive,

Ubique rerum DIVINUS AMOR
expressus.

ODE XVII.

JAM pharetrato postuisse dorso
Tela millenis operata palmis,
Et triumphali religasse pictos
Hicce casset

Vidimus Numen. Viduatus arcu,
Et face, & vinclis, pharetrâque notos
Respuit ludos AMOR, in peritum
Versus Apellem.

Huc verecundum crocon, & rubens
Fulgur Auroræ, superi, nivosis
Ferte crystallis: spoliata fulvis
Floribus Irim.

Pulcher augustas meditatus Ales
Infulâ curas, potiora priscis
Vota molitur, potiora partis
Fata trophæis.

Artifex illi labor eruditi
Pollicis nulum comitatus, explet
Signa DIVINI bene PENICILLI app-
plexa colores.

M 4

Hinc

Hinc salutandum dat ubique nostris
 Palpebris æther, dat ubique pontus
 Numen, & passim variata picto
 Gramine tellus.

Pandit Apriles hyacinthus ulnas,
 Et fovet regem, fovet & pudicâ
 Delitescentem nive liliorum

Flora Tonantem.

Decoloratos miserara vultus
 Pingit exanguem granadilla solem,
 Cui Palæstinos renovat cruento
 Vere dolores.

Hinc adoratos alit illa vepres,
 Et gravem telo feriente mitram,
 Quæque nativo rubefecit ostro
 Vulnera cuspis.

Astra jam norunt simulare flammis
 Alitis Divi sine labe frontem.

Jussit hic stellas sibi purpuratam
 Ferre tiaram.

Sic per immensum spatiatum axem
 Cancer obliquis secat astra chelis.
 Fulvus occurrit Leo: Lucidusque ap-
 pareret Orion.

Spumeis idem dominatus arvis
 Emicat mœstis Cynosura nautis:
 Penè turgescit, rutilisque serpens
 Sibilat hydris.

Quid diu solers simulacra rerum
 Persequor Vates? Latet ille clausis

Omnium venis, & ubique fixum
 Numen inhæret.
 Flagrat in flammis; tonat inquietis
 Fulminum claustris; glaciatus ardor
 Fulget in gemmis; & utrimque motis
 Fluctuat undis.

Quò vagam flectas aciem; fugaces
 Sisset obtutus AMOR, innocentem
 Sponte facturus variâ sub hac i-
 magine ludum.

Ut sibi nostros sociaret ignes,
 Undique occurfat, laqueumque visa
 Implicat forma, teneroque vibrat
 Spicula vultu:

Qualis objecto speculo immorantes
 Sedulus tigres premit efficaci
 Fraude venator. Quid agam futurus
 Præda Tonantis?

Nexiles odi pedicas, & omnes
 Retium nodos. Ubicunque pictum
 Videro Numen, capiar; sacrasque in-
 cendar ad aras.



 HERCULES CHRISTIANUS
 IN HYDRAM.

Sive,

Domesticum cum viriis bellum.

O D E XVIII.

Victicem veto ferreis
 Bellantum galeis serpere lauream,
 Qui tantum generosius
 Hostiles Aquilas unguibus, & ducum
 Exarmant gladiis latus
 Secum nulla tamen bella decentius
 Pugnaces in HYDRAS gerunt.
 Num fregisse juvat cornua Bosphoro,
 Aeternumque rubentibus
 Auroræ radiis figere dedecus;
 Cum nos forte pudor premat
 Imbelles viriis, & veluti rudis
 Argillæ genus arguat
 Styx assucta novis fervere præliis?
 Quicumque adamantinis
 Inscribi superum liminibus volet,
 Jam nunc se putet HERCULEM,
 Qui pulchri sirit Martis adorem!
 Jam nos lerna domesticam
 Eluctata lucem provocat, & minax

Faltus

Fastus ducere squameos

Orbes , & tumidæ colla superbiæ.

Pugnandum prius est luto

Affixis , & humi viribus ; ut suo
Se quisquis nihilo tegat.

Haud lapsum metuit , qui cubat infimâ
Prisci pulveris areâ ,

Meriturque suam stratus imaginem.

Quod si crinibus aureis

Pellax HYDRA caput fertile muniûs

Furata haud inamabilem

Sirenis faciem , quæ Cythereiis

Vibret spicula palpebris ;

Congressum timeat. Palma patet fuga.

Tum septemgeminæ ferox

Occurrat Scytalæ ; cum malè concitam

Plenis faucibus evomit

Livoris rabiem ; vel stomachi graves

Æstus objicit , haud secus

Ac torquet Siculos Mulçiber halitus.

Irâ vindice fumeam

Si bilem feriat , fregerit unico

Ictu fulminis , obviam

Lernæi capitis luxuriam. Quod ut

Alcides specularitur ,

Clavam projiciet. mox genibus minor

Illi belligeram feret ,

Quam figi cuperet nubibus , infulam.

 JOCUS SATURNALITIUS,

IN CALVOS.

AD MARCUM GORDIANUM.

O D E XIX.

QUOD non flavicomam fers vertice,
 GORDIANE, sylvam,
 Cui fausta nubes imminens liquentem
 Excutiat Syriam, aut Cilices Jove saucio
 procellas;

Diris sequacem devoves senectam.
 At non illa tuæ cervicis ab intimo cerebrum,
 Altæque mentis nucleum revellit.
 Externam fœdis tantum exuit aream vepretis,
 Quod lucis imber, siderumque fulgor
 Gemmeus afflaret radiis melioribus capacem
 Virtutis arcem, consilique sedem.
 Frondea cæsaries steriles notat Ismari medullas
 Rudesque venas pulchrioris Idæ.
 Effoditur calvis sub rupibus Indiæ coruscum,
 Cui sæpe gryphes incubant, metallum.
 Mollibus exuviis animus memor expedire,
 frontem,
 Canumque mento destinare vellus,
 Fert Gallis Drnydas, sceptrisque Laconicis
 Lycurgos,
 Et Vaticanis Cassios habenis.

Jam-

Jamque olim calvo sub præfide, patribusque
calvis

Feliciores imperi secures

Eridanus vidit, qui tunc Clymeneidum virentē

Fortasse crinem populis totondit.

Nec toga calvitium sibi vendicat; osculatur
illam

Ferro Gradivus, cassidisque plumā

Imbelles Cytherea Phryges Venus indicat, co-
marum

Solers amicos educare fastus;

Seu modo cæsariem crinalibus inserat colubris,

Pexoque spiras mentiatur auto;

Seu Zephyri imperio doceat volitare defluen-
tem

In terga fulvi verticis procellam.

At Scythiæ calva agrestis, galeaque, firijque

Durata flammis, stirisique brumæ

Inviçto capitis potis est adamante mugientem

Gravis pharetræ sustinere nimbum,

Aut Phrygiæ instar ferreæ trabis arietantis
arces

Quassare septam turribus Cybellen.

Quid non molitur solidum sine frondibus ca-
cumen.

Cælique nubes osculata Virtus?

Cirris nudus apex quandoq; Proserpinæ rapinis

Insultat, Orco flagitante crinem.

Absalon curvâ malè pendulus esculo comatis

Affine fatum frontibus reliquit.

Nos, MARCE, implumes excludat ut auferes iuventus,

Ut depilatos simiæ catellos;

Dum buxus nostram nec fauciet aream, nec albâ

Furfur pruinâ decoloret agrum;

Dum nec degeneres nos arguat esse præferendis

Fortuna fatis. Nam ruat vel æther;

Sive dehiscat humus, CALVI haud muliebriter querentur:

Dum, quos revellant, non habent capillos.

TAURUS PERILLEUS.

Sive,

Malum sæpe, ac sæpius in auctores retortum.

AD FLAVIUM ALIMENAM.

O D E XX.

EXpende FLAVI cui facilem dedit

Alstræa libram num feriat magis

Prurigo lædendi se ipsam;

An pavidum labefactet hostem?

Ultrix voluptas melle suam lini

Censet pharetram: sed furialius

Exudat huic Mavors venenum,

Quàm Phario vomat angue Nilus.

Hy-

Hyblæa fulvi nectaris artifex

Inauspicatas vindicis ingenî

Sortita scintillas, eodem

Quo perimit, perit illa telo.

Ahena crebro vincla suis faber

Impacta flevit cruribus: & suum

Sensere mox vulnus puelli,

Quâ gladium tetigere palmâ.

In se minaces ultio pervicax

Retorquet hastas. Testis in Herculem

Imago projectum vicissim

Vi refugâ jaculata saxum.

Suo propinquas exitio fuit

Cyclops in urbes. Ætna ferox nequit

Sævire, ni sensim crematis

Diffluat interitura fibris.

Sic est. Sarelles quisque sui tulit

Quod immerentes vulnificum nefas

Deflexit in cives. Perillus

Ære suo sibi fata cudit.

ANGUIS EXCANTATUS.

Iracundiæ mollibus verbis delini-

tæ Symbolum.

AD CÆSAREM OFELLUM.

ODE XXI.

Sunt, quas cerastes squameus nusquam suo

Terruit angue plagas,

Alumnus innocentia:

Quam-

Quamvis promatur, nesciam labi fidem
 Servat, & innocuo

Pedem salutat osculo.

Humana quævis indoles par huic foret,

CÆSAR OFELLE, solo;

Si mitis ira surgeret.

At hæc Medusæ crinibus feracior

Pullulat in Pharias,

Glescente spirâ, vyperas.

Ultrix in ictus affilit, turgēt minis,

Et furiale jecur

Centum Megæris asperat.

Frustra recides sibilæ collum jubæ:

Tonsilis instar hydræ

Fiet secando fertilis.

Immerge lymphis: sæviet palustribus

Irequieta vadis,

Novosque spirabit metus.

Abconde saxi: saxeos per obijces?

Junior ut redeat,

Senile pondus exuet.

Flammâ cavendum, ne ferociat magis.

Hinc solet in rabiem

Armare conceptam fitim.

Tantum susurrus nœniæ mollis potest

Conciliare pigrum

Tristi soporem belluæ:

Ut auspiciatis Marsus interluniis

Anguinæam sobolem

Enervat offâ carminum.

Rerum soluta mollium mālaciā
 Decidit asperitas,
 Fractasque submittit minas.
 Licet trifulco comminutus diffluat
 Fulminis igne chalybs;
 Vaginā non timet Jovem,
 Suaviatur lancum turris latus
 Quælibet ignivomis
 Displota tormentis pila.
 Sic flectit iræ vindicis dementiam
 Atticus ore lepor,
 Blandique carmen eloquit.
 Tum liquit Hydra virus, astrorum sacris
 Tacta veneficiis,
 Cum duxit amnem lacteum

FIDEI CLASSICUM
 Versipellis, ac mendacibus viris
 Aquam & ignem, ubique
 gentium interdicens.

O D E XXII.

ÆQuè dedecet artifex
 Calvum cæsaries; ac capitis nives
 Fuci gratia decolor.
 Mentiri docilis luxuriam comæ
 Labem detegit ingeni
 Et Graiis gravidam mercibus indolem.
 Cur vulpecula Caspios
 Rugitus simulet? cur tenerum melos,
 Can-

Candentemque cyeni togam
 Poscat, qui crocitat plumeus Æthiops?
 O dissolvite callidum
 Bifrontes animæ dedecus eloquî!
 Linguae vena duplex fibris,
 Et cautam cerebro nexuit anchoram.
 Haud vox naufraga mergitur,
 Quæ consanguineam mordeat insulam.
 A se longius exulat
 Qui discors animo est, semilacer velut
 Impulsis Metius rotis
 Hanc vaftris sociam cana FIDES suâ
 Incussit Nemesim TUBA.
 Adjecit meritas exilio vices;
 Ut, quo quisque foret loco,
 Interdicta quies esset, & improbas
 Mendacis juguli fores
 Vindex obstrueret stamen aranæ.

MAGNES NAVIBUS

OCEANUM TRAIECTURIS

OBLATUS.

Sive,

REGINA VIRGO animam
 efflantium Præses.

O D E XXIII.

Utra propinquum Nerea Gadibus
 Quis ausus olim nauta liburnicam

Im-

Impune soluisse, & frementis
 Oceani superasse spumas,
 Nondum reperto, qui regeret rudes
 MAGNES Chimæras? omnis Atlantico
 Peribat alnus; seu palæmon,
 Seu premeret Panopea clavum.
 Immilis illic hæserat Atropos,
 Sectura ferro lina paventium
 Mergi carinarum, & cupressum
 Irreduci impositura malo.
 Neptunus Orco visus inhospitos
 Deditse fluctus liquerat arbitro
 Noctis tridentem: quo recussum
 Intremuit, gemuitque quondam
 Ponti veterum. Terruit Indicum
 Turpi latratu Cerberus Æolum;
 Torvumque bacchantes in antris
 Nereidum cubuere Diræ.
 Ubique pallor luteus, & ferax
 Ubique luctus propulit obvias
 Umbraeque, festinamque mutis
 Persephonen equitare phocis.
 Verum, profundi si pateant lacus,
 Inno stuperem gurgite flammeas
 Volvi procellas, & furentem
 Sulphureis Phlegetonta rivis.
 Audistis, ut jam mugit horridis
 Cocytus hydris? ut caveâ strepunt
 Tractus catenarum, & frementum
 Vulnificæ furiarum habenæ,

Uncusque collo impactus, & intimis
 Fibris nocentum? Non liquidus deest
 Chalybs caminis, aut recurvo
 Qui miseros premat ungue vultur.
 Heu, quo ruentes vidimus abietes;
 Sic navigandum marmor Atlanticum
 Lethique, fatorumque ludum
 Velivolae dedit esse pinus?
 At feriatis cur modo fluctibus
 Iraque tristes, & domiti metus
 Cessere, pacatoque magnus
 Detonuit fragor ille ponto?
 Jam-jam caducâ tutius insulâ
 Mortalitatæ solvimus anchoram;
 Blandoque luctamur volucres
 Oceano properare Manes
 Nil jam pericli est. Maxima Cælitum
 Fit Diva Magnes atque eadem rates
 Dignata complecti, resulsit
 Per medios Cynosurâ fluctus.
 Quin illa clavo sæpius incubat
 Tutela præsens velaque Thraciis
 Mulcet flabellis donec ultra
 Putrem Abylam, lacteamque Thulem
 Aternitatæ vinciat aureo in
 Portu rudentes. Huc utinam mea,
 O Virgo tradatur phaselus,
 Te dubiam moderante, fauces
 Formidolosas inter, & aleam
 Lethes, carinam! Sic meritam tibi

Vovere permissus tabellam
Virgineis religabo valvis.

HUMANÆ
INCOLUMITATIS EXCUBIÆ

Sive,

A minimis quibusque rebus cauta
Provisio.

AD UGONEM SADOLETUM.

ODE XXIV.

Turgidam quamvis moderêre, felix
UGO, fortunam; metuas sinistra
Sibilum, & sensim per humum prementem
Signa quadrigam.

Sape plus parvâ nocet illa lavæ
Callidis plumâ, furiale quàm si
Torqueat fulmen, trepidamque cæcâ
Nube procellam.

Naviges cautus; bibit infideli
Funus è rimâ ratis, obsequentem
Quæ sibi sensit tumidâ latratam
Doride scyllam.

Nauticæ pinus echeneis alas
Sistit Ægeo; licet usque ponto
Thraciæ crispent animæ fereno
Lina stabello,

Quod

Quod diu florens steterit, imbecilles
 Pallet ad morsus chalybum. vel ipsas
 Atterit sensim Latias rubigo e-
 pota secures.

Magna plerumque exiguâ teruntur
 Orbitâ fati: minuitque priscum
 Parva vis robur. Nihil est ubique im-
 mune periculis.

Exulant nido patriæ efferatis;
 Muribus pulsi Megaræ coloni.
 In Phaselitas acuerunt cives

Spicula vespæ.

Fregit examen cynipum Quirinam
 Romuli pubem; simul ac Eoum
 Hasta Trajani rubefecit Euri

Limen, & iras

Pressit Auroræ, rapuitque Parehi
 Fræna, Romanis socianda rostris.
 Proximum cuique est metuisse parvâ

Culpe vulnus.

Haud semel status culicum fuscior
 Indici saltus fragor, atque Pœni
 Velleris terror, leo. vecta fulvis

Gloria plaustris

Vel coaxantum timuit querelas.

Inseret palmas generosus astris,
 Qui Giganteum simul, & pusillum
 Perculit hostem.

THESSALICÆ
FASCINATIONIS
AMULETUM.

Sive,

Enervandum laudum contemptū
Adulatoris ingenium.

AD LAZARUM GALLIDORUM.

O D E XXV.

NUM viperinis foeta vaporibus
Tantum coruscant spicula palpebræ,
Quæ Colchis, aut invisa Circe
Gorgoneo jaculetur arcu?
Portenta defunt? sunt sua Thessalis
Venena linguis, illita melleo
Venena fuce; sed trisculco
Euridycen ferientis hydri
Pejora morsu. Carmina dulcibus
Intexta metris si semel audias;
Languescet emollita Virtus,
Et phaleris jugulata laudum
Sternet labantem gloria poplitem.
Euclide major vixit, & Appulo
Vix cessit Archytæ, sagaci
Qui radio sibi concolorem

Me-

Metitur umbram ; nec fugit infimo
 Harere Codro , callidus omnium
 Librare venas , & faventes
 Auriculis hebetare plausus.
 Haud evagandum trans adamantinæ
 Delubra mētis. Temet inhospitum
 Si reddis Atlantem dolosis
 Artibus , ancipitique palpo
 Vulgi obsequentis , decipientium
 Ludes ferarum sibila , splendidos
 Ludes latratus , & jocosam
 Illecebris , thiasoque caudam.
 Qui bladiantum murmura nescius
 Vitare , longas suavibus arriget
 Aures Camœnis , si pusillam
 Ausoniae moderatur arcem ;
 Dicitur ipsis penè Quiritibus
 Sanxissè leges , non sine Romuli ,
 Numæque probro , consulentis
 Ægeriam , tripodasque vatum.
 Hostem Ialerno turpiter uvidum
 Dejecit arcu ? Martis adoream ,
 Plaususque vicissè , & paventem
 Cyllaron attonitamque dicent
 Stravissè Phœben : non secus ac suâ
 Quondam vibratâ cuspide lucidas
 Fertur tonantis officinæ
 Lysimachus secussit valvas :
 Nec disfluentum sistitur hic lues ,
 Laudumque tabes. trajicit alveum ,

Finesque nugarum. vel aureis
 Velleribus, trabeâque, & ostro
 Virtutis audax contegitur nefas,
 Putrisque palpi dedecus. Indoles
 Spirans Medusæos furores
 Sacrilego perhibetur œstro
 Apex coruscæ mentis, & ingeni
 Labem timentis. Proxima milviis
 Libido prædæ, hæredis æquum
 Aucupium repentis omnes
 Censuræ avorum. Pressa calumniis,
 Vulgique probris pagina, Gratiis
 Lustrata Phocis, quæ leporum
 Artificem vehat amne gazam.
 Affixa venis dira Venus, Jovis
 Adultus auro fertur honos, sagax
 Fœdasse Bellonam, & calentes
 Igne suo domuisse Divos.
 Sic rore melleo leniter oblitæ
 Fraudes bibuntur. LAZARE, tutius
 Impune nostras occupabit
 Vulnifico paliurus hamo
 Armatus aures; ne tumor eloqui
 Turpes pharetrâ conjiciat rosas.
 Utcunque laus repat, timebit
 Flora suos malesuada vepres.

* * *

N

AN-

A N T I P H E R O N
O R E T A N U S ,

Ob infirmam oculorum aciem , suæ
sibimet objectæ imaginis assiduus
spectator.

*Ex Arist. & Cel. Rhodig. l. 22. cap. 26.
Philantia symbolum.*

O D E XXVI.

SI frontem liquido dimoveat gelu
Narcissus , caveat fidere palpebris ;
Cum vivacius afflant

Haustum lumina fascinum.

Ne fiat , metuo , Parrhasius sui ,

Occurratque sibi tot speculantibus ;

Quot Junonius ales

In plumis oculos habet.

Sic admissa patri lumine mollior

Lanugo fatuam potat inertiam ,

Neglectura decoram

Pulchræ mentis adoream.

O illi roseum plurimâ polluas

Crinem canities ; & rutilum genis

Florem scinde November

Pleno vomere mensum.

Cur peccet cupidâ luce, nec intimam
Vestigare sui quærat imaginem,

Quæ virtutis honesto

Se pictam radio cupit ?

Ah stultum pueri solvite lacrymis
Pupillæ vitium. lacryma sospitem

Reddet, qui modo visis

Narcissus periiit vadis.

CHRISTIANI SOCRATIS SPECULUM.

Sive,

Sepulcrum ad animi pulchritudinem
concinnandam peridoneum.

AD DEMETRIUM COLUMBAM.

O D E XXVII.

NE ruga frontem, neve comam premat

Incomptus error, lævia consulis

Crystalla, Demetri, sed idem.

Ne fatuis maculere probris,

Ignavus hæres. Cur fragili fides

Commisssa vitro est? te simulat Gygen,

Sed celat effossura valles

Lustra genis, sociasque flavi

Crinis pruinas. SOCRATE cautior

Veras negantem rebus imagines

N 2

Illide

Illide gemmam, quæ sepulchri
 Marmor hiat SPECULUMQUE promic
 Mortalitati concolor. ad putres
 Hic forma sese comet honestius
 Umbras, & horrescet profanos
 Ad cinerum simulacra cultus.

CARDUUS LIBANI,

Inanis Jactantiæ typus.

AD CODRUM BOVILLIUM.

O D E XXVIII.

Cristatam cerebro, CODRE, nec inclytis
 Implexam meritis pone superbiam.
 Elato tumidus vertice vix levem
 Umbræ projicis unciam.
 Non si clara tuæ mœnia patriæ
 Pallas laurigero presserit effedo,
 Aut fracto superum cardine, viserit
 Imbri Juppiter aureo,
 Infanire licet. Quælibet educat
 Ranas magna palus. Qui Calydonios
 Claudit lucus apros, exiguis rudem
 Formicis caveam dedit.
 Æther ipse, domus regia siderum,
 Admittit rutilo rure BOVILLIOS.
 Nam cur sæpe suo rusticus excubat
 Taurino Arctophylax jugo?

Non

Non urbs, CODRE, suos evehit incolas;
Si laudum steriles inveniat viros.

Quantumvis Ithacæ fuscus erat, tulit
Clarum fumus Ulyssæa.

Est natale solum, ceu LIBANUS ferax
Cedrisque, & rigidis undique CARDUIS.

Illis fronde comam nutrit; at hispidum
Falci dedecus immolat.

HISTRIONIS ROSCII
SIMIAM PALUDATAM
AGENTIS LUDUS.

Quo ostenditur.

Reipublicæ regimen ineptis viris
indebitum.

AD CURIAM, Sanctissimis legibus
optimè constitutam.

O D E XXIX.

NUNC ô quiescas, CURIA, serijs
Avulsa curis (nam solidos licet
Quandoque detruncare soles,

Et tetricas hilarare rugas

Ludi sereno) ROSCIUS hinc adest,

Qui purpuratum vellus ad infimos
Fert usque talos, dum togatam

SIMIOLI rapit ore larvam.

N ;

Septera

Septemviratus se simulat ducem,
Faltuque turget spumeus HISTRIO.

Jovem secundum ni vocabis,
Fulmineo ferieris ictu.

Compesce plausum : mutus obambulat;
Suamque vitro spectat imaginem.

Peribis , ipso pulchriorem
Ni perhibes Ganymede flavo.

Cur rodit ungues ? seria cogitat :
Numâque major , magna Quiritibus

Dat jura , membranâ Lycurgi,
Vel latius peraranda ceris.

Si forte garrit , stridet acutius,

Quàm pica sylvis. ni jugulo velis
Audire porrecto loquentem ,

Sisyphium patiere pressâ
Cervice pondus. Sed Tyrianthinâ

Vis nosse quodnam ROSCIUS intoga
Festinet irridere monstrum ?

Sparge nuces ; puerilè Mimus
Sese efferendo fessus , ad obviam

Curret rapinam. Sic fatuis , licet

Ostro paludatis , monebit

Patricios fore probra fasces.

):(o):(

PARADOXUM
THEO-POLITICON.

In sublime evehitur, qui in sui
Nihilum descendit.

AD SIMEONEM ROSAM.

ODE XXX.

ERigi potes, SIMEON, avitâ
Stemmatum pennâ ? patiere fatum
Icari, molles feriente Phœbi
Fulgure ceras.

Editus celsâ fluviis Pyrene
Fertur in valles : petijisset idem
Summa, si clausus foret, infimâque e-
rumperet urnâ.

Qui diu secum latuit, supremam
Attigit metam : tumefactus aurâ
Mobilis vulgi, medio reliquit
Pulvere palmam.

Quò magis fibras agit in profundum,
Altius verrit cyparissus imbres.
E solo vultus vapor in supernos
Emicat ignes.

Præfuit Brutus Latio, litatis
Osculo glebis. Trabeatus olim
Venit ad fasces, ubi vertit agros
Vomere, Consul.

Sæpe nox fuscis patefecit alis
 Divites gemmas : eadem diurnâ
 Luce neglectas aliquot coronat
 Ignibus herbas.

Ergo natales , ROSA , vise cunas
 Et tui vallem Nihili : resurges
 Inde , ceu vivax tumuli Sabæo è
 Semine Phœnix.

POCULUM GOLGOTHEUM.

Sive,

Sitis CHRISTI exemplo toleranda
 Voluptas.

O D E XXXI.

CUR Formiani dolia diluam
 Mellis lagenâ , vel Brasilæ nivis
 Pellam æstatem palato
 Molle gelu , rutilisve poscam
 Tagum fluentis ? Heu sirit , & siti
CHRISTUS propinat fella nocentibus
 Imbuta succis. Num repressit
 Nympha suos Solymœa rivos ?
 An tristis urnam fregit Aquarius ,
 Pulsusque Cælo est ? Hæcine Numini
 Conflatur , ô Divi , Voluptas
 Golgotheis operata praelis ?
 Parvamne clavis ebibit , ebibit
 Venam dolorum , quòd nisi luridis

Nol-

Nollet venenis jam propinquas

Exitio satiare fauces?

An forte Divi vulnera mitius

His leniuntur fontibus? ô mihi

Nivale nectar! ô pudici

Nazareâ medicatus Hyblâ

Latex Amoris! Saucius huc fibras

Figente telo cervus agam fitim;

Hic labra demergam, hinc Tonantis

Fata bibam, iliademque luctus

Urgentis ipsum flere nigrantibus

Solem quadrigis. Nempe supernatâ,

Hæretque hospitalis hoc in

Felle salus, & in hanc vicissim

Sese Voluptas mergit Amystidem.

Quâ dum potiri sedulus occupat,

E fonte Bethlæo recusat

Ifacius citharædus undam.

Haufere fulvi nectaris uberes

Mellisque rivos, qui Solymeias

In pocla fuderunt cicutas,

Et Pharias didicere baccas,

Aut quotquot usquam falx Marcoticas

Collegit uvas, è genialibus

Arcere mensis. Me Canopus,

Et Lybicâ coquat Auster irâ.

Me latret amens Sirius, abnuam

Siticolosus dulcia. Felleum

Poturus hunc Cratera, ducam

Hydrochoi potioris amnem.

 PLUVIA CINERUM.

Sive,

Lethi necessitas.

AD HECTOREM PANDOLFINUM,

O D E XXXII.

HAUD consanguineâ genus
 Argillâ pudeat ducere, vivimus
 Diffingenda semel domus.

Aut morbi vitio labimur, aut pilâ
 Fati missilis, aut super-
 injectâ senij grandine sternimur.

Post certas hyemes, solo

Acclinatus apex corruet, & suum
 Agnoscet cinerem cinis;

Qui postquam PLUVIO PULVERE decidit,
 Evertit Samios lares.

PANDOLFINE, cave Dædalcam procaz
 Culpes artificis manum.

Ipsum poscit opus fictile frangier.
 Quidquid Luna suo rigat

Argento, luteum est; coniferæ facis,
 Et taxi mutilæ ferax.

Humanæ soboli gratior alea est
 Extingui tumulo semel,

Quam non exanimem perpetuò pati

Mor.

Mortalis cariem togæ.

Æternam senij quis glaciem ferat,
 Trudentemque Epimethea
 Per tot secla febres ? ut Phrygius senex
 Raucam cessit in alitem,
 Laxæ concinuit tædia sarcinæ.

Sic pœnæ impariens suæ
 Sudavit Niobe saxea lacrymas.

Emergas opus est freto,
 Si demum cupias otia littorum
 Nil magnum tibi suadeo.

Ipse es, crede mihi, navita, carbasus,
 Velox remigium, & ratis:
 Componas feretro, ceu thalamo, latus:
 Letho finitimus sopor
 Momento patrias ducet ad insulas.

ERYNNIS NOCTURNA,

Sive,

Culex somno Vatis infestus.

AD MARULLUM VIPERANUM.

O D E XXXIII.

CUR sæpe culmis incubans, nunquam vocer
 Languidus Endymion,
 Meris sopore palpebris,

Rogas MARULLE, nulla præsertim gravis
 Cum mihi cura premat
 Accline frontis otium?
 Nam, nec profano verticem torquet metu
 Circumeunda Syris
 Malea rupes mercibus;
 Nec arefactis Evius languens botris;
 Nec sine fruge Ceres
 Fletura fraudes messium.
 Securus oti conquiescerem pigrâ,
 Quam populata seges
 Farsit capillis, culcitrà;
 Ni me supino desidem toro redux
 E Phlegetonte culex
 Ter usque, & usque læderet.
 Sic se, pusillæ classico proboscidis,
 Martis ad arma ciet,
 Somnumque terret sibilo.
 Mox bellicosus humidæ noctis cliens,
 Ceu breve fulmen agit
 Dotale rostri spiculum;
 Teloque summa narium, & summas quater
 Vellicat auriculas,
 Hæretque totus vulneri
 Tenebricosus helleuo; donec velut
 Putris hircudo sitim
 Hausto cruore debeat.
 Quòd si fragore territus carpit fugam;
 Per latebrosa domus
 Circumvolat fastigia.

Dein more Parthi colligentis e suâ
 Vim , rabiemque fugâ;
 Citatus ad prædam redit.
 Hunc complicatis sæpe stragulis ferox
 Illaqueare , diu
 Venator infomnis fui:
 Sensique , quamvis fingerem ronchos graves,
 Non semel ipse manus
 Stridente transfixas acu.
 Sic forte nidis advolantibus struit
 Semisopita dolos
 Captura vulpes passerem.
 Si ficta verum fert imago Morphea ;
 Evigilare statim
 Compellor hostis buccinâ,
 Atque integrare millies marcentibus
 Bella superciliis,
 Nocturnus umbrarum jocus.
 Non , amputatis luminum membranulis.
 Regulus in Lybicâ ,
 Velut alter Ixion , rotâ
 Tam luctuosas pertulit diu vices:
 Cogor ut ipse pati
 Perenne flagrum somniis.



SALUTARIS INSANIA.

Sive,

Nosocomium piè , sanctéque deli-
rantium , sacra quadam
concione

A P. ANTONIO CASALETTO
Soc. Jes. referatum.

O D E XXXIV.

Q UID me Thespiacis juvat
Insanire choris , si citharam minax
Fregit Pegasus unguâ ,
Serpentemque comis Phocidos arbiter
Vellit Phœbus adorem ?
Hæc sit justa meæ pœna proterviæ ,
Quæ nondum didicit piis
Eautrire lyræ vota furoribus.
En quàm dulce furentium ;
ANTONI , referas atria Cœlitum ;
Seu tristi stimulo dolor ,
Seu miti jaculo figat amor latus.
Pars pro Bistoniam chely
Nudum pectus habet , quod Rhodopeio
Saxi verbere molliat ,
Et tunsis modulos suscitet illis.
Pars densùm fruticantibus
Vepretis latitat , nec renuit sacris

In-

Insignire caput rubis;
 Ne desit laceris laurea crinibus.
 Indignantibus in suas
 Pars luctata genas unguibus, elicit
 Pigro è lumine lacrymas;
 Quæ Cœli memorem pelliciant sitim.
 Hos Arctos glacialibus
 Sic urget pedicis; ut radiantium
 Astrorum thiasis suas
 Adnectant choreas. Hi Libyæ sinu
 Torrentur potioribus,
 Quos fert æthereus Mulciber, ignibus.
 O Amphionium melos
 Ut fletu referunt, & sonitu precum
 Concinnat coëuntibus
 Hinc & sidereis inde coralliis
 Pulchram crinibus insulam!
 Sic illam sitiunt, ut vigil excubet
 Nocturnis oculus lucris,
 Et frangat lacrymâ solis inertiam.
 Quid? quod nil paveant minas
 Rugitus Pharij? nil ferientium
 Telorum volucres metus?
 Nil plumbi liquidum fulmen, & æreis
 Armatam tribulis rotam?
 Balatum teneri velleris exprimunt
 Inclusi licet igneo
 Mugitu pecudis. Quin male faucis
 Inter verbera cruribus
 In flammâ saliunt, quas prius osculo.
 Am-

Amplexuque suo fovent.

Ceu nimbis pluvias cœlitibus rosas.

O vis prodigialium

Tedarum patiens ! ô animi furor ,
Afflataque Deo faces !

Ut vestris cupio mergier ignibus !

Nam , si tam juvat æmulis

Hæc spectacula meis verrere palpebris

Ipsum proh quid erit piis

Succensam facibus vivere victimam ?

STOICA VATIS PERORATIO.

Sive,

Ad continentiam in omni victu,
cultuque corporis servandam
Carmen Protrepticon.

AD ONESIMUM RIPAM.

O D E XXXV.

O Portet ut sis pauper , ONESIME,
Aut sponte vivas inter opes inops ;
Si mentis audax possis in su-
blime rapi , docilique læves
Nodare plumas ingenio. Piger
Crateras inter Mygdonios stuper

Ob-

Obrutus, & perculsa flavo
Mens animi sterilefcit auro.

Affluetus anſæ fictilis urcei
Dignam Prometheo ſuſtinet indolem,

Quæ noſit ad ſummum ſaburrâ
Multiplici ſariare luxum;

Ne lapſus aſtris vividus ingenî
Languelcat ardor. pinguis ubi tumet

Hydrops inexpletus ſaginx,
Dat jugulum ferienda Pallas.

Milvi voracis roſtra Philoxenus,
Charybdis alvum, colla gruis petat:

Tu, RIPA, ridebis Protervos
Tam fatui nebulonis ignes.

Num, quò voremus, vivitur? an ſatis
Superque nobis, quod bene fulciat

Mortalitatis luctuoſum,
Ne titubet pereatque, pondus.

Arcana quondam vis medicaminum
Latebat herbis; queis Podalirius

Aut vulnus emollire poſſet,
Aut pluviis inhibere largum

Plagis cruorem: multiplices modo
Laxavit uſus; firmior artubus

Postquam valetudo receſſit
Ambiguis labefaſta cœnis.

Hinc turpis, ipſâ nec macie minor,
Suffuſus ori pallor. & in cutem

Admiſſa bilis, quique nervos
Solvit iners habetatque torpor

Peculiares hos sibi flagitat
 Cenfus, nepotum luxus adulteras
 Edoctus abforbere baccas,
 Et phialæ glacialis Hyblam.
 Natura parvo culta, frequentium
 Silere cogit jura Machaonum:
 Nec pallet exundantis alvi in-
 temperiem, maculamque vultus.
 Intaminatis viribus innocens
 Accedet altæ mentis apex, fuâ
 Quæ poffit irridere factum
 E speculâ, fatuasque vulgi
 Terrere curas. Num Tyrio fopor
 Mulcetur oſtro? num Boreæ nives
 Tantum repelluntur lacernis,
 Quæ latiis tumuere clavis?
 Seu picta fulvis rheda coralliis,
 Seu te fabinis plauſtra vehant rotis;
 Quid, RIPA, refert? five gemmâ,
 Sive rudi madeas culullo,
 Par eſt voluptas. Diſce ſuperbiam
 Calcare luxus, non humilis tuæ
 Auriga Virtutis. Decoras
 Ille tulit ſuper aſtra bigas,
 Qui ſponte rerum pauper, ad improbos
 Expavit uſus: & rigidus ſuo
 Cavet ſepulcro, ne Canopi
 Luxuries macularet urnam.

PHOENIX SOLYMEUS.

Sive,

DIVINUS AMOR E TUMULO

REDIVIVUS.

DITHYRAMBUS

*In anniversario CHRISTI reviviscentis
die emodulatus.*

In gratiam Excellentissimi

Dom. D. FRANCISCI MORRAE,

Principis Buccherij,

& Castrorai.

O D E XXXVI.

HUC retorqueat reclines
 Sina palmas, & propinquis
 Vulsa collibus laboret
 Laurus aureum Tonantis
 Oscularier sepulchrum,

Quo recētibus pharetris icta mors extabuit.
 Num quid usquam praeliaris
 Fulmen æreum Gradivi
 Majus edidit trophæum?
 Vidit hîc fractos Megæris
 Compedita styx cerastis,

Ex trifaucibus fragorem faucium latratibus.

Pref-

Pressit infolias hiulcas
 Terror Umbræ : otiosis
 Marcet Atropos quatillis,
 Et fororibus propinat
 Anguis ignei papillam :

Ipsa Lethe funeravit poculis oblivia.

Vulnus asperæ bipennis
 Sensit Orcus, cum trabali
 Ere fixus hæsit Ales,
 Qui sequacibus pyropis
 Astra comperant corollam ;

Proque pennis destinarant iridis monilia.

Heu cruentos ille vepres,
 Flagra, cuspides, & hastam
 Passus occidit ; nivosa
 Ceu revellitur procellâ
 Gaza veris, vel rubenti

Sauciatur æstuantis sirij phalaricâ.

Tunc soluta mole rerum
 Bruma luctus in tonatis
 Tristè mugit cavernis,
 Palluitque lacrymosis
 Luna gurtis, & remensum

Sol Olympum sordidatis terruit jugalibus.

At quis artifex Amoris
 Numen abnuat fateri?
 Ille dumis, ferreoque
 Usus unco pro sabæi
 Messe ruris, & deorsum

Decidentibus Cilissæ frondis auro lacrymis ;

Semet intimis cremandum

Sponte credidit favillis.

E rogali mox feretro

Ales igneum soporem

Fregit, & perennioris

Incitus ad volandum limen ævi contigit.

travit illi purpuratis

Hinc, & hinc iter rosetis

Pronus æther; quaque vicit

Astra PHOENIX, fulgurantum

Fudit imbrem spiculorum,

Et rubentibus refertam grandinem coralliis.

Doris atheris fragorem

Emulata, curva sepsit

Regna littorum smaragdis,

Spumeoque ter cachinno

Solvit undas, & decentes

Fluctantibus choreas imperavit insulis.

Nutat interim comatâ

Fronte tellus, qua liquentem

Fudit Atticam fluentis;

Terque montium canoris,

Et strepentium profundis

Plausit alitis triumpho vallium celeusmaticis.

Ut volucres ille cristas

Pingit auro. plumeamque at-

tollit irin! ut peremptæ

Mortis explicat trophæum!

Ut cruento flagrat ostro,

Deq; vulnereum pyropis quina torquet sidera!

O quis ardui volatus
 Cultor æmulus, laceſſat
 Orbitas Eteſiarum;
 Perque nubes, perque pictos
 Flore flammeo novales

Aucupetur alta prædæ nobilis veſtigia!
 At coërcet evagantem
 Triftis Africus quadrigam.

Num caduco fixa limo
 Mens inhæret, è conuſcis
 Pulſa clauſtris; & ſecundis

Segnis aurigare neſcit evehi Favoniis?
 Ergo Numinis SEPULCRO
 Cur adurier moramur?

Affer huc Ales pharetram,
 Myrrhæque vim favillæ.
 Uſtulatus hinc reſurgam.

Qui me poſcit hoſpitalis nidus aſtris ful-
 gura.

